

OKVIRNI SPORAZUM

Između:

1. **KJKP "Tržnice-pijace" d.o.o. Sarajevo**, ul. Mula Mustafe Bašeskije 4a, Sarajevo, ID: 4200683020005, koga zastupa direktor Alija Hodžić (u daljem tekstu: Ugovorni organ)

i

2. **„Energopetrol“ d.d. Sarajevo** ul. Azize Šaćirbegović 4b Sarajevo, ID: 4200163020002, kojeg zastupa direktor Aralica Ante (u daljem tekstu: Dobavljač)

I PREDMET OKVIRNOG SPORAZUMA

Član 1.

- (1) Predmet ovog Okvirnog sporazuma je nabavka roba –pogonskog goriva za potrebe Ugovornog organa a prema važećem cjenovniku koji je sastavni dio Okvirnog sporazuma.
- (2) Ovim Okvirnim sporazumom ugovorne strane su saglasne da mogu tokom cijelog ugovornog perioda zaključivati ugovore iz oblasti za koje je proveden konkurentski zahtjev za dostavu ponuda.

Član 2.

Ugovorni organ naručuje predmetne robe a Dobavljač prihvata da isporučuje iste, a na osnovu provednog postupka javne nabavke i Odluke Ugovornog organa o izboru najpovoljnijeg Ponuđača.

Član 3.

Ugovorni organ i Dobavljač su saglasni da Okvirni sporazum realizuju prema već definisanim uslovima u Obavještenju o javnoj nabavci putem konkurentskog zahtjeva za dostavu ponude (u daljem tekstu: Obavještenje) i prema Tenderskoj dokumentaciji (u daljem tekstu: Tenderska dokumentacija) i to:

- (1) Ugovorni organ prema zahtjevima u Obavještenju i Tenderskoj dokumentaciji
- (2) Dobavljač, prema dostavljenoj ponudi i dokumentaciji sa preciziranim ponuđenim uslovima u prijavi na konkurentski zahtjev.

II UGOVORENA CIJENA, OBRAČUN I NAČIN PLAĆANJA

Član 4.

- (1) Na osnovu Okvirnog sporazuma, Ugovorne strane će zaključiti pojedinačne Ugovore sa rokom važnosti ukupno do važnosti Okvirnog sporazuma, zavisno od interesa Ugovornih strana, a pod uslovima utvrđenim u Obavještenju o javnoj nabavci i tenderskom dokumentacijom i u skladu sa odredbama Zakona o obligacionim odnosima.

Član 5.

- (1) U obim roba iz člana 2. ovog Okvirnog sporazuma podrazumijevaju se sljedeće robe po prihvaćenim cijenama sa uračunatim poreskim obavezama (Prema specifikaciji iz Obrasca za cijenu ponude i prihvaćenoj ponudi broj EPO.6.1-3-1189/19 od 26.11.2019.godine).

R.b.	Naziv nabavke	Jedinica mjere	Predviđena količina	Jedinična cijena bez PDV-a	Popust na jediničnu cijenu bez PDV-a (%)	PDV	Ukupna cijena sa PDV-om i popustom
1.	Dizel BAS EN 590 10ppm	Litar	4230	1,89	6,5%	0,30	8.475,80
2.	Premium bezolovni benzin 95 BAS EN 228 (BMB 95)	Litar	850	1,80	6,5%	0,29	1.673,74
Ukupna cijena ponude sa PDV-om i popustom							10.419,54

Član 6.

- (2) Ukupna vrijednost Okvirnog sporazuma iznosi 10.419,54 KM sa uključenim iznosom pripadajućeg indirektnog poreza.

Član 7.

- 1) Dobavljač se obavezuje da robu fakturiše istog dana kada je isporučio robu, na osnovu otpremnih dokumenata (otpremnica i sl.) potvrđenih od strane Ugovornog organa da je robu preuzeo.
- 2) Dobavljač je dužan isporučivati robu sukcesivno u skladu sa potrebama Ugovornog organa na svim ugovorenim benzinskim pumpama Dobavljača.
- 3) Preuzimanje tečnih goriva u motorna vozila Ugovornog organa će se vršiti putem elektronskih kartica/ili na drugi način, u skladu sa tehničkim mogućnostima Dobavljača. Ukoliko to bude putem elektronskih kartica za gorivo, iste će Dobavljač o svom trošku načiniti za svako vozilo Ugovornog organa.
- 4) Ugovorni organ je dužan, nakon potpisivanja i ovjere ovog Okvirnog sporazuma, dostaviti Dobavljaču spisak službenih vozila i radnika Preduzeća ovlaštenih za sipanje goriva.
- 5) Dobavljač se obavezuje da dostavlja fakture na plaćanje Ugovornom organu po tržišnoj cijeni na dan isporuke roba, prema OPC obrascu za konkretno prodajno mjesto i na dan isporuke roba.
- 6) Cijena koja je navedena u ponudi nije fiksna u toku izvršenja okvirnog sporazuma i podliježe promjenama, pri čemu se primjenjuju cijene ponuđača na dan isporuke roba, na prodajnom mjestu koje je ponuđač dao u svojoj ponudi i prema važećem OPC obrascu u momentu isporuke, a u skladu sa Zakonom o tržištu nafte i naftnih derivata, koji su važeći na teritoriji Bosne i Hercegovine.
- 7) Ukoliko su maloprodajne cijene na dan isporuke različite u odnosu na cijene iz prihvaćene ponude, dobavljač je obavezan obavjestiti Ugovorni organ o razlozima promjena cijena naftnih derivata i kopiju OPC obrasca izdatu od Federalnog ministarstva trgovine, za konkretno prodajno mjesto i datum, kao dokaz da je došlo do promjene cijena.
- 8) Ponuđeni popust na jediničnu cijenu roba i to :6,5%, koji je dat u ponudi je fiksna, nepromjenljiva za sve vrijeme trajanja ugovora.
- 9) Ugovorni organ zadržava pravo provjere cijena na tržištu (putem ispitivanja na tržištu, interneta, nadležnih institucija zaduženih za odobravanje promjene cijena naftnih derivata i pravo prigovora na istu.
- 10) Ugovorni organ će plaćati fakture za isporučenu robu propisanim platnim nalogom za plaćanje u roku do 30 (trideset) dana od nastanka obaveze iz stava (1) ovog člana.
- 11) Ugovorni organ neće preuzimati robu niti plaćati fakture ukoliko se iskaže razlika u količinama na fakturi, otpremnici i narudžbenici.

III ROK, MJESTO I NAČIN ISPORUKE ROBA

Član 8.

- 1) Dobavljač se obavezuje da će Ugovorni organ svrstati u prioritete, odnosno da će za Ugovorni organ imati posebno rezervirane količine roba koje su predmet ponude u bilo kojem trenutku, nezavisno od situacije na tržištu.
- 2) Dobavljač se obavezuje da će isporučivati robu Ugovornom organu, u skladu sa potrebama i narudžbama iskazanim u pismenom obliku, te da će robu biti isporučena propisanog kvaliteta, u traženim količinama i u dogovoreno vrijeme.
- 3) Dobavljač se obavezuje da dostavlja fakture na plaćanje Ugovornom organu po tržišnoj cijeni na dan isporuke roba, prema OPC obrascu za konkretno prodajno mjesto i na dan isporuke roba.
- 4) Mjesto isporuke roba: fco.Benzinske pumpe dobavljača na području Kantona Sarajevo.

Član 9.

- 1) Dobavljač se obavezuje da će isporuku robe koja je predmet Okvirnog sporazuma izvršiti u skladu sa zahtjevom Ugovornog organa i da će odmah postupiti po eventualnim primjedbama Ugovornog organa u pogledu nedostataka na ime kvaliteta izvršene nabavke.

- 2) Ugovorni organ je dužan da dostavi pismeno obavještenje o svakom navodnom propustu Dobavljača po Okvirnom sporazumu.
- 3) Ugovorni organ će utvrditi razuman rok za ispravku propusta Dobavljača u smislu izvršene nabavke i isporuke.

Član 10.

Dobavljaču se postavlja uslov da nema pravo da zapošljava, u svrhu izvršenja ovog Okvirnog sporazuma, fizička ili pravna lica koja su učestvovala u pripremi Tenderske dokumentacije, ili su bila u svojstvu člana ili stručnog lica koja je angažovala Komisija za javne nabavke, nadležna za dodjelu ovog Okvirnog sporazuma, najmanje šest mjeseci po zaključenju istog.

Član 11.

(1) Robe utvrđene ovim Okvirnim sporazumom moraju biti isporučene kvalitativno i kvantitativno kako je utvrđeno tenderskom dokumentacijom i zahtjevima Ugovornog organa.

(2) Ugovorni organ ima pravo stručnog kontroliranja kvalitete isporučene robe a Dobavljač je u obavezi kontrolu omogućiti.

Član 12.

Ponuda Dobavljača broj od EPO.6.1-3-1189/19 od 26.11.2019. godine na temelju koje je sačinjen ovaj Okvirni sporazum, čini sastavni dio istog.

Član 13.

- (1) Ovaj Okvirni sporazum se zaključuje za ugovorni period do 12 (dvanaest) mjeseci,
- (2) U slučaju eventualnih primjedbi Ugovornog organa na kvalitet i količinu isporučene robe, Okvirni sporazum se može djelimično ili potpuno raskinuti i prije njegovog isteka, uz prethodno izmirenje svih obaveza utvrđenih po osnovu ovog Okvirnog sporazuma.
- (3) Odredbe ovog Okvirnog sporazuma ne mogu se mijenjati nakon njegovog zaključenja.

IV UGOVORNE KAZNE I NAKNADA ŠTETE

Član 14.

1) U slučaju kašnjenja u isporuci roba, do kojeg je došlo krivicom odabranog Ponuđača, isti će platiti ugovornu kaznu u skladu sa Zakonom o obligacionim odnosima u iznosu od 1% naručene robe, za svaki dan kašnjenja do urednog ispunjenja, a najdalje 10 kalendarskih dana s tim da ukupan iznos ugovorene kazne ne može prijeći 10% od ukupno ugovorene vrijednosti robe koja je predmet narudžbe. Odabrani Ponuđač je dužan platiti ugovorenu kaznu u roku od 7 (sedam) dana od dana prijema zahtjeva za plaćanje od ugovornog organa, u protivnom Ugovorni organ će umanjiti fakturu za navedeni iznos.

(2) Ugovorni organ neće naplatiti ugovorenu kaznu ukoliko je do kašnjenja došlo usljed više sile. Pod višom silom se podrazumjeva slučaj kada ispunjenje obaveze postane nemoguće zbog vanrednih vanjskih događaja na koje izabrani Ponuđač nije mogao uticati niti ih predvidjeti.

(3) Ukoliko Dobavljač na bilo koji način neuredno ispunjava preuzete ugovorne obaveze, a naročito u pogledu kvaliteta, kvantiteta roba i utvrđenih rokova, Ugovorni organ ima pravo raskida Okvirnog sporazuma i pravo da o trošku Dobavljača ustupi posao drugom Dobavljaču sa pravom naknade troškova uvođenja novog Dobavljača kao i pravo na naknadu mogućeg nastanka štete zbog neispunjenja Ugovorne obaveze.

V ZAVRŠNE ODREDBE

Član 15.

Eventualno nastale sporove pri realizaciji ovog Okvirnog sporazuma, ugovorne strane će rješavati mirnim putem, u protivnom, ugovara se nadležnost Suda u Sarajevu.

Član 16.

Svaka od ugovornih strana može otkazati ovaj Okvirni sporazum pismenim putem uz otkazni rok od 15 (petnaest) dana iz svih razloga propisanih Zakonom o obligacionim odnosima.

Član 17.

Za sve što nije regulisano ovim Okvirnim sporazumom, primjenjivaće se odredbe Zakona o obligacionim odnosima.

Član 18.

Ovaj Okvirni sporazum stupa na snagu danom potpisivanja obje ugovorne strane.

Član 19.

Ovaj Okvirni sporazum je sačinjen u 4 (četiri) istovjetna primjerka, od čega svaka ugovorna strana zadržava po 2 (dva) primjerka.

DOBAVLJAČ:

„Energopetrol“ d.d. Sarajevo



[Signature]
Direktor: Aralica Ante



[Signature]

Izvršni direktor: Slavko Sić

EPD.1-1-3120

09.01.2019

UGOVORNI ORGAN:

KJKP "Tržnice pijace" d.o.o. Sarajevo

Direktor: Alija Hodžić

[Signature]



Broj: 25-11/19

Sarajevo, 23.12.2019.godine

[Handwritten mark]